

Brjef landshöfðingja til póstmeistarans um burðareyri til brezkra og frakkneskra nýlenda. — Með þessu brjefi var skýrt frá, að gjörður hefði verið 27. janúar þ. á. í Bern samningur um, að Indland hið brezka og hinar frakknesku nýlendur skyldu teknar inn í allsherjar-póstmálasambandið frá 1. júlí þ. á., og var póstmeistarann um leið tilkynnt, að burðareyri milli Íslands og landa þessara skyldi upp frá því vera eins og hjer segir:

fyrir brjef, sem borgað er undir fyrirfram . . .	40 a.	hver	15 grömm ¹ .
— — — óborgað — — — . . .	60 —	—	15 —
— bækur, blöð og annað prentað mál, sýnishorn af varnagi og viðskiptaskjöl	12 —	—	50 —
— meðmælingu	16 —		
— viðtökuskírteini	8 —		

— *Brjef ráðgjafans fyrir Ísland til landshöfðingja um fjárveitingu til sjúkrahússins á Akureyri.* — Með því að stjórn sjúkrahússins á Akureyri hafði farið þess á leit, að fá greitt 2000 króna tillag það, er meðal annars hefir veitt verið sjúkrahúsinu í fjárlögunum fyrir 1876 og 1877, 4. gr. 4. d., hafði þjer, herra landshöfðingi, með þóknanlegu brjefi frá 15. f. m. lagt það til, að áminnst fjárupphæð, er ekki verði álitin gjöf eða styrkur, eins og þær 400 kr. um árið, er um leið hafa veittar verið sjúkrahúsinu, verði fengin sjúkrahúsinu að vaxtalausú láni, gegn veði í húsinu, og þannig, að láninu megi ekki segja upp meðan stofnunin er höfð fyrir sjúkrahús.

Út af þessu skal yður þjónustusamlega tjáð til þóknanlegrar leiðbeiningar og birtingar og frekari ráðstafanar, að ráðgjafinn verður að vera á því, að eins og fjárveitingin er orðuð í fjárlögunum eigi sjúkrahúsið fulla heimtingu á, að áminnstar 2000 kr. sjeu greiddar því úr landssjóðnum að gjöf.

— *Brjef ráðgjafans fyrir Ísland til landshöfðingja um toll af tóbaki.* — Í þóknanlegu brjefi frá 22. apríl þ. á. hafði þjer, herra landshöfðingi, skýrt frá því, að flutzt hafi með skipinu Marie Christine til kaupmannanna M. Smiths, Magnúsar Jónssonar og hins svo nefnda Hlutaveltufjelags í Reykjavík nokkuð af tóbaki, er samkvæmt tollskrá þeirri, er skipinu fylgdi, hafi numið 74 pundum meira en viðtakendur farmsins allir þrír hafa staðhæft «upp á æru og trú», að þeir hafi fengið, og hafi skýrsla þeirra einnig verið samkvæm farmskrám þeim um vörurnar, er þeir fengu. Munur þessi komi fram í nef-tóbaki því (rjólí), er með skipinu kom, þar sem farmskrá Smiths konsúls hafi talið það 400 pund, en tollskráin telji honum 8 bagga með alls 424 pundum; og í annan stað hafi hinir viðtakendurnir tveir samkvæmt farmskránni að eins fengið 17 bagga báðir saman, með 901 pundi í, en tollskráin telji tóbakið til þeirra 951 pund. En með því að yður sje kunnugt, að samskonar tóbaksströnglar og hjer ræðir um sjeu vanir að vega 53 pund hver, eða eins og tollskráin telur viktina á því, sem átti að fara til Smiths kaupmanns, segizt þjer hafa lagt fyrir bæjarfógetann í Reykjavík að heimta af honum toll af vörupunga þeim, er í tollskránni segir, að undangenginni nánari rannsókn; en þar sem hinir tóbaksströnglarnir hafi samkvæmt tollskránni vegið 2 pundum meira, en almennt á sjer stað, hafði þjer mælt til þess, að ráðgjafinn leiti skýringar um þetta hjá tollstjórninni dönsku.

1) 15 grömm = 3 kvint, 50 gr. = 10 kv., sjá athugasemd 2, bls. 7, og 1, bls. 9 hjer að framan.

Hinn 30. október 1876.

95
20. júlí. Eptir að skrifazt hefir verið á út af þessu við aðalstjórn skattamála, skal til þókn-
anlegrar leiðbeiningar þjónustusamlega tjáð, að samkvæmt hjá lögðum eptirritum¹ eptir
álitsskjali frá yfrumsjónarmönnum tollheimtunnar í Kaupmannahöfn með fylgiskjali, sem
aðal-skattamálastjórnin hefir útvegað, stendur líklega svo á þessum umrædda mun á farm-
skrárviktinni og tollskrárviktinni á rjótóbakinu, að af því að það er svo saggamikið, að
það ljettist á skömmum tíma, setja þeir, sem senda vöru þessa frá sjer til sölu, viktina á
henni á farmskránni minni en hún er í raun og veru, þegar hún er flutt af stað, til þess
að komast undan umkvörtunum frá hálfu viðtakanda.

96
24. júlí. — *Brjef ráðgjafans fyrir Ísland til landshöfðingja um húsagjörð á umboðs-*
jörð eptir bruna. — Samkvæmt brjefi ráðgjafans frá 31. júlí f. á. hafði þjer, herra
landshöfðingi, með þóknalegu brjefi frá 17. maí þ. á. sent hingað eptirrit eptir skoðun-
argjörð og lýsingu á húsum á jörðunni Gröf, sem er í vesturhlutanum af jörðum
Munkaverárklausurs, er nýlega hafa verið byggð upp eptir bruna og síðan afhent á-
búendunum með þessari skoðunargjörð, og í annan stað hafði þjer sent hingað skýrslu um
útlát þau, er hin nauðsynlegu viðarkaup til húsagjörðarinnar hafa haft í för með sjer,
og sem amtmaðurinn yfir norður- og austurumdæminu hafði leyft að greiða mætti
úr sjóði klausturjarðanna, í von um samþykki ráðgjafans, og hafa þau síðan verið sett á
reikninginn fyrir 1874 og eru talin 881 kr. 31 eyrir.

Út af þessu skal yður þjónustusamlega tjáð til þóknlegrar leiðbeiningar og birting-
ar, meðal annars fyrir hlutadeigandi reikningsskoðanda, að ráðgjafinn samþykkir eptir at-
vikum, að umgetinn byggingarkostnaður hefir verið greiddar úr umboðssjóði, þó að und-
anskildu því af hinni tilgreindu upphæð, er umboðsmaðurinn hefir reiknað sjer í þóknun
fyrir eptirlit með húsagjörðinni, því eptirlit þetta hlaut að liggja á honum sem umboðs-
manni, án sjerstaklegs endurgjalds.

97
11. ágúst. — *Brjef ráðgjafans fyrir Ísland til landshöfðingja um samskotasjóð*
Jóns Eiríkssonar. — Samkvæmt bendingu háskólagjaldkerans hefir ráðgjafanum sýnt
það rjettast, vegna breytingar þeirrar, sem orðin er á stjórn Íslands, að samskotasjóður Jóns Ei-
ríkssonar handa prestum í Hólabiskupsdæmi, er áður var, sem til þessa hefir verið undir stjórn
tjeds gjaldkera, með yfrumsjón kirkju- og kennslumálastjórnarherrans, verði fluttur til Íslands,
þannig, að honum verði stjórnað af yður, herra landshöfðingi, með yfrumsjón ráðgjafans
fyrir Ísland. Samkvæmt skilagrein háskólagjaldkerans eru eignir sjóðsins fölgnað í inn-
ritunarskrifteini, ltr. L, fol. 31, er nemur 13,400 krónum, og 402 kr. í peningum, og
eru það vextir fyrir missirið til 11. desbr. 1875 268 kr. og fyrir hálfmissirið til 11. marz
þ. á. 134 kr.

Um leið og þetta er tjáð yður til þóknlegrar leiðbeiningar, birtingar fyrir biskupi og
eptirbreytni, skal ekki undanfellt að senda umgetið innritunarskrifteini, er búizt er við að

1) Í skjölum þessum er meðal annars yfirlýsing frá Nobel tóbaksspunamanni, þar sem hann
skýrir frá, að það sje regla sín, að telja aldrei meir en 53 pd. í tóbaksströngli, þótt hann sje venju-
lega 6% þyngri, þegar hann er látinn úti, eða jafnvel eigi óvanalegt að viktin sje 8—9% meiri, ef tó-
bakið er sent af stað skömmu eptir að það er spunnið. Auk þess skýra yfrumsjónarmenn tollheimt-
unnar frá, að venjulegt sje að draga 15% frá viktinni á spunnu tóbaki, þegar reiknuð er út uppbótin
fyrir tollinn af innfluttum, óunnum tóbaksblöðkum.